

D. A. G.

28

DISSERTATIO GRADUALIS,

DE

FIGURA  
TELLURIS,  
PENDULOROM OPE,  
DEFINIENDA

CUJUS PARTEM PRIOREM,  
CONS. FAC. PHIL. REG. ACAD. AB,  
PRÆSIDE

M<sup>AG.</sup>. ANDREA  
PLANMAN,

Physices Profess. Reg. & Ordin.

Reg. Acad. Scient. Stockh. & Societ. Litter. Ups. Socio.

*Ventilandam Modeste Sistit,*

ISAACUS NORDBERG,

Nylandus.

In AUDIT. MINORI Die **XVII.** Junii AN. MDCCCLXXVIII.

H. A. M. S.

---

ABOÆ

Impressit JOH. CHRISTOPH. FRENCKELL,  
Reg. Acad. Typogr.

KONGL. MAJ:TS  
TRO-MAN och BERGS-RÅD,  
Samt  
RIDDARE af KONGL. WASA ORDEN,  
WÅLBORNE  
HERR JOHAN  
HISINGER,  
HÖGGUNSTIGE GYNNARE.

*Min driftighet, en värkan af skyldighet och erkänsla, hoppas jag gunstigt blifva urfägtad, då jag vågar at Vålborne Herr Bergs- Rådet och Riddaren i ödmjukhet tillägna denna Academiska afhandling; en liten frukt af stora välgärningar men rent offer af den innerliga vördnad, bvarmed jag har åtan at til stoftet framhärda*

VÅLBORNE HERR BERGS- RÅDETS OCH RIDDARENS  
MIN HÖG GUNSTIGE GYNNARES

*Allerödmjukaſle tjenare*  
ISAAC NORDBERG,



## §. L

**Q**uam amplam contentionum segetem protrusserit quæstio illa famosa de figura Telluris fugere existimamus neminem. Illa seges demum votis ita respondit orbis litterati, ut quamvis de vera Planetæ hujus figura inter Mathematicos adhuc disputatione in rotunda tamen ej adjudicanda omnes converint, certum esse contendentes illam forma gaudere ad polos depresso. Quasnam vero eruditii ab antiquissimo inde ævo hac in re soverint opiniones, quidque studii operæve in veritatem hujus rei indagandam collocaverint enarrare non erit alienum. Missis igitur inutilibus omnino de Astronomia antediluviana disquisitionibus oculos mox convertimus in Ægyptum studiorum litterariorum seminarium facile antiquissimum. Magos existimasse tellurem figuræ esse rotundæ probabile est. Fatemur quidem nulla testimonia historica ad hanc opinionem directe nos perducere, ad illam tamen sovendam variis commovemur rationibus. Neminem enim fugit, quantis effuderatur laudibus cognitio Ægyptiorum astronomica, pariterque notum est, quam multum astrorum peritia ad accuratam de figura telluris faciat notitiam.

Quis igitur ex multitudine observationum eorum Astronomicarum fide dignarum (*a*) merito non colliget eos existimasse tellurem Sphaeræ referre formam. Concedendum quidem est, vulgo imperito omnia ex conveta sensuum apparentia dijudicanti planam & nescio quam arridere figuram; de Ægyptiis vero idem tenendum non esse vel maxime patet ex magnis eorum meritis in Geometriam & Astronomiam quibus in primis, utpote curiositati mortalium satisfacentibus sollicita obtigit cultura. Multa omnino sunt, quæ illos, quibus plus est nasi, de absurditate figuræ telluris planæ convincant, permovereantque ad sphæricam ei adjudicandam. Tellurem non esse planam & usquequaque protensam ortus & occasus Solis vel maxime evincit, ut plura huc facientia figuram puta umbræ in eclipsibus lunaribus constellationumque incognitarum apparitionem boream austrumve versus progradientibus, silentio præteream. (*b*) Non igitur dubitandum, quin hæc doctrina de rotunditate telluris in antiquissimis sit censenda, ut pote Ægyptiis nota, quorum cognitio de sphærica astrorum figura illos ad eandem de tellure suspicandum permovere potuit. Præterea unde *Thales* Græciæ Philosophorum antiquissimus illam depromxit doctrinam nisi ex Ægypto orbis litterati ærario merito vocanda; *Thaletem* enim semina eruditionis spargentem potius quam *Ægy-*

---

(*a*) Aristotel. de cœlo I. 11. c. 12. (*b*) Plura hac de re vide apud Montucl. in ejus hist. des Mathemat. Tom. I. part. I. l. III. §. XII.

Ægyptios uberrimos ejusdem fructus jam jam metentes inventionis ornare gloria non est consentaneum.

§. II.

Hæc doctrina de rotunditate telluris ex Ægypto *Thaletem* comitata non potuit non conservari propagarie tam multis magnisque Philosophis (ut ex historia notum) Jonicæ scholæ statori succendentibus, qui eorum, quæ observaverant antecessores veritatem argumentis munire sunt aggressi. Quid de problemate etiam nostro; ne dicam de Mechanica, non meruit *Anaximander* (*c*), cuius innumera ferme inventa ad scientiam Astronomicam magnum & tunc temporis inopinatum adulere adjumentum? Quid? quod *Aristoteles* (*d*). asserere non dubitavit eum telluri adsignasse motum; cuius tamen assertum haud facile inveniet fidem. Quidquid sit cum *Plutarcho* tamen *Anaximandro* opinionem de figura telluris plana obtrudente facturum existimamus neminem rite perpendentem quam facile scriptorum imperitia eos in errores impellere potuit plane enormes atque in prava de vetustissimi ævi eruditis judicia, quorum caussas pro suo more scite exponit *Montucla* ita scribens (*e*): les unes, inquit, (des imputations) viennent probablement du style poétique & misterieux "dans lesquels ecrivirent les premiers Philosophes; &

(*c*) Diog. Laërt in Anaximandr. (*d*) in libr. II. c. XIII. de Cœlo. (*e*) in hist. des Matth. pag. 108, 109.

les autres de l'ignorance des Compilateurs, qui ont  
entrepris de nous rendre leurs opinions &c. Nec  
minus laeta Astronomiae Geometriæque florebant stu-  
dia in schola Italica utpote sapientiae Jonicæ donis lo-  
cuptetata. Thaletem namque ipsum audiverat Pythagoras Pherecydemque pariter ac magos inclytæ Agypti, ut mirandum non sit tantum luminis accendisse  
Lumen illud Italæ. Astronomiae in primis culturæ fors  
obtingit multæque accrescunt veritates. Docuisse  
*Pythagoram* legimus (g) tellurem non tantum esse ro-  
tundam, verum etiam, quem Soli abdicavit, gaudere motu. Jurene an secus *Diogenes Laertius* motus  
hujus inventi gloriam adtribuat *Philolao*, 100 circiter  
annos post *Pythagoram* nato cognoscere hujus loci  
non est; probabile tamen esse existimamus *Philolau*  
m. æque ac *Parmenidem* hanc *Pythagoræ* doctrinam  
suis tantum additamentis illustrasse. En *Pythagoræ*  
ingentia in Theoriæ telluris merita! Nihil  
contra ea de hac re meruit *Plato* multa quamvis con-  
ficerat itinera, utpote in Agyptum & Italianam, in qua  
maximam partem scientiæ, qua gandebat, Astrono-  
micæ a *Philolao* & *Archita* didicisse relatum legitur.  
Rebus abstractis Ipse & sectatores ejus delectati o-  
mnem suam operam in Mathesin tantum puram col-  
locabant, mixtam vel non curantes vel faltem leviter  
attингentes. Eadem fere dicere licet de Scholæ  
Peri-

---

(g) apud Plutarch. in lib. de placitis philosoph.

Peripateticæ auctore Aristotele in cuius de cœlo libris  
res alicujus momenti frustra quæruntur. (h)

### §. III.

Nec præterendum quantam litterarum cultura famam fibi pèperit Ægypti urbs Alexandria, Athenæ restauratæ merito salutanda. In ea quidem fervidis sine sub patrocinio *Ptolomeorum* culta fuere omnia humanitatis studia (i); Geometria autem & Astronomia in primis in hac republica litteraria civitate donatæ sunt (l). Non igitur mirum, insignem in hac urbe Mathematicorum fuisse numerum, in quibus, quis *Aristarchi* nomen ignorat, qui in scenam rursus produxit Pythagoricorum dogma de motu telluris? Primas in indagatione figuræ telluris facile tenet *Eratosthenes Regis Ptolomai Evergetæ Bibliothecarius*, qui primus magnitudinem planetæ hujus mensurando determinare aggressus est, arcum meridiani terrestris inter *Syene* & *Alexandriam* interceptum dimetiens, calculoque subducto inveniens totum meridianum longitudine 250, 000 stadia complecti. Hujus mensurandi modum inspicere licet apud *Montuclam* (m) qui & mentionem facit errorum quorum a P. Riccioli (n) meri-

---

(b) De scriptis Aristotelis Astronomicis legatur Montucl. hist. des Matth. Tom. I. I. 3. §. 21. (i) Heumann. consp. Reipubl. Litt. C. IV. §. x. (l) Montucl. hist. des Math. T. I. p. I. l. 1. §. I. (m) Histoire des Math. T. I. P. I. L. IV. §. VI. (n) Geog. & hydrol. reform. & alm. nov. I. III. c. XXVII.

merito incusatur. Illum excipit *Hipparchus Nicæus*, observator suo ævo longe habilissimus, qui campum, in quo excurrere posset Astronomorum diligentia, aperuit, *cælum in hæreditatem cunctis relinquendo* (o). Hic a nobis laudari meretur ob magnam observationem copiam, quæ ad veram de figura magnitudineque telluris cognitionem multum facere intelliguntur. Inter Mathematicos demum, qui ultimo A. C. N. seculo vixerunt, magnam sibi ex mensurazione telluris gloriam conciliavit *Possidonius*, Geometra Mechanicus & Astronomus percelebris, qui iis, quas in Rhodo & Alexandriæ instituerat observationibus nixus afferuit circumferentiam telluriis 240, 000 stadia continere.

#### §. IV.

Primo post C. N. seculo inulta jacebant Mathematicorum jugera, crescente interim Religionis Christianæ femente in admirandam plane messem. Delinquentis hanc tempestatem Matheſeos lux, initio secundi seculi tenebras paulatim eluctata effulſit demum in *Ptolomæo* systematis planetarii nomen ab eo trahentis auctore. Plurima observabat phænomena Alexandriæ, quam prædam crudilitati Barbaricæ anno 641. fors dabat adversa. Hoc Musarum domicilium demoliti Arabes depositarii fiunt omnium scientiarum, quas non negligunt, quin defervescente ira,

ira, impigre colunt. Astronomiæ studium Princi-  
pum patrocinio animatum in primis fervet. Quis  
*Almamonis* Principis ingentia in hanc disciplinam i-  
gnorat merita? Illius namque jussu gradus terrestris  
ad mensuram exigitur seculo IX in Mesopotamiæ  
campo Singar, a duobus doctis, quorum tamen ope-  
ra nobis, mensuras veterum Arabum ignorantibus,  
nullius plane est usus. Insignis quamvis fuerit Ma-  
thematicorum in Arabia numerus, nihil tamen am-  
plius memoratu digni hac in re ab iis præstitum le-  
gimus. *Ptolomæi* sententiæ de systemate mundi o-  
mnes usque ad Secul. XVI adhaeserant, quum *Nico-  
laus Copernicus* de hac re ab *Aristotele* dissentire ausus,  
plebi Astronomicæ paradoxum meditaretur dogma  
de motu telluris, quod discipulus ejus *Joach. Rheticus*  
in medium protulit defenditque, cujusque veritatem  
extra omnem dubitationis aleam Theoria aberratio-  
nis stellarum fixarum a *Celeb. Bradley* detecta posuit  
nostro demum seculo, in quod etiam exquisitior ve-  
ræ figuræ telluris investigatio incidit. Interim tamen  
silentio prætereunda non sunt tentamina, quæ in hanc  
rem, sub finem seculi XVII facta sunt. Non jam mo-  
ramur varias graduum meridianorum mensurationes,  
quas *Fernellius*, *Snellius*, *Picardus*, *Riccioli*, *Grimaldi*  
aliique non tam figuræ quam magnitudinis Telluris  
definiendæ gratia instituerunt; verum potius ad tulisse  
juvabit, quæ proprius ad institutum nostrum per-  
tinent. Scilicet cum *Richer* ab *Academia Regia Sci-  
entiarum Parisina* anno 1672 missus esset ad insulam

Cayennam, ut observationibus quibusdam Astronomicis invigilaret: præter opinionem ipsi accidit, ut pendulum ibi tardius oscillaretur quam Parisiis, id quod occasionem dedit alia methodo figuram Telluris investigandi. Summus etenim Mathematicus *Newtonus* atque magnum illud Batavorum decus *Hugenius* non tam suspiciati sunt, quam certo certius perspexerunt, gravitatem versus Äquatorem imminutum iri, ob majorem vim centrifugam ex rotatione Telluris oriundam. Hinc quoque colegerunt Tellurem sub Äquatore altiore esse, quam sub polis, vel figuram Sphaeroïdis sub polis compressæ referre. Hanc rem tamen *Celeb. Cassini junior* in controversiam adduxit, contendens Terram esse Sphaeroïdem versus polos oblongam, & quidem ob deprehensum gradum Australiorem in Gallia Borealiori majorem. Propter hæc sententiarum divortia, in re tanti momenti, *Acad. sc̄ient. Parisina* induluatque ius su Regis partim ad Circulum Polarem Arcticum partim ad Äquatorem, Mathematicos clarissimos meridiani terrestris gradum dimensuros, ablegavit. Fructus hujus allegationis is erat, ut Tellus ad polos depressior, quam ad æquatorem judicaretur: sed ita tamen ut aliis quilibet meridianus terrestris Ellipsin constitueret, cuius axis minor esset axis Telluris, aliis iterum, duce *Celeberr. Bouguer* curvant aliis generis, in qua incrementa graduum ab æquatore versus polos essent proportionalia Simium latitudinum biquadratis. Exacta itaque Telluris figura etiam num suspensos tenet Mathematicos, quæ tamen judice Magno *Newtono*, faci-

facilius certiusque per experimenta pendulorum quam per arcus Geographice mensuratos in Meridiano, deprehendi potest (p).

### §. V.

Causam vibrationis pendulorum gravitatem esse adeo clarum existimamus ut supervacaneum sit probare, pendula gravitatis variationem indicare, rotatione Telluris circa axem concessa. Ostendendum itaque erit qua ratione ex institutis variis in locis pendulorum isochronorum observationibus, ratio axeos Telluris ad diametrum Aequatoris definiatur, supponendo Tellurem esse homogeneam atque Ellipsoïdem, quo sic, observationibus inter se rite comparatis, cognoscatur an assumta eidem competit figura nec ne. In antecellum autem probandum est gravitatem corporum in Ellipsoïde rationem servare normalium: in quem finem sequens præmittendum erit Lemma.

### §. VI.

*Lemma.* Sit PAE quadrans Ellipseos, cujus semiaxis major CE & minor CP, sitque A punctum datum in peripheria ejus atque recta AG ad istam normalis; erit, ducta recta AC atque GD ad AC perpendiculari,  $PC^2 = AC \cdot AD$ .

*Demonst.*

*Demonst.* Per naturam Ellipseos erit  $AL^2 = \frac{CE^2 - CL^2 \cdot CP^2}{CE^2}$ , ducta AL perpendiculariter ad CE, atque GL =  $\frac{CL \cdot CP^2}{CE^2} = \frac{CP^2 - AL^2}{CL}$ , ob  $CE^2 = \frac{CL^2 \cdot CP^2}{CP^2 - AL^2}$ ; quare CG =  $\frac{AC^2 - CP^2}{CL}$ ; nec non DG =  $\frac{AL \cdot AC - CP^2}{AL \cdot CL}$ ; adeoque  $DG^2 = \frac{AL^2 \cdot AC^2 - CP^2}{AC^2 \cdot CL^2} = \frac{AL^2 - AD^2 \cdot CL^2 + CP^2 - AL^2}{CL^2}$  unde facta debita reductione & substitutione obtinebitur  $CP^4 = AC^2 \cdot AD^2$ ; atque sic  $CP^2 = AC \cdot AD$ . q. e. d.

### §. VII.

Sit PAE (Fig. I.) quadrans meridiani terrestris atque pae quadrans ipsi PAE infinite propinquus & similis similiterque positus; atque erunt pressiones columnarum PC & AC, in directionibus PC & AC æquales; quia oportet eas esse in æquilibrio. Eandem ob rationem erunt etjam columnarum pC & aC pressiones in his iisdem directionibus æquales; quare Pp in æquilibrio cum Aa. Sint pressiones in P & A, π & α respective; atque erit  $Pp : Aa :: PC : AC ::$

$\alpha : \pi (p)$ ; unde  $\alpha = \frac{\pi \cdot PC}{AC}$ . Ponatur gravitas in A  
 $= \gamma$ , quae agit secundum normalem AG, eritque existen-  
te GD perpendiculari ad AC,  $\gamma : \alpha = \frac{\pi \cdot PC}{AC}$   
 $\therefore AG : AD$ ; unde  $\gamma = \frac{\pi \cdot PC \cdot AG}{AC \cdot AD} = \frac{\pi \cdot AG}{PC}$ , ob  
 $AC \cdot AD = CP^2$ . (§. VI.). Patet itaque hinc gravitatem  
in Ellipsoide fervare rationem normalium (q). Cumque  
longitudines pendulorum isochronorum in diversis lo-  
cis sint in eadem ratione ac gravitates in iisdem lo-  
cis; sequitur has ipsas longitudines quoque servare  
rationem normalium correspondentium locorum.

## §. VII.

Hisce præstructis facile obtinebitur formula, ad  
 quam ratio axeos Telluris ad diametrum Æquatoris  
 eliciatur, ex institutis binis pendulorum obserua-  
 tibus in diversis quibuscunque locis datis. Sit PME  
 (Fig. 2.) quadrans meridiani terrestris, CP semiaxis  
 Telluris, CE semi-diameter Æquatoris, MN,  $m n$   
 normales in punctis M & m. Agatur MQ perpendicularis ad CE, atque sit latitudo puncti M seu ang.  
 $MNE = \lambda$ ; eritque  $\sin \lambda : \cos \lambda :: MQ = \frac{CP}{CE}$

B 3

(p) Phil. Nat. Prin. Math. *Newtoni* prop. XX. lib. III.

(q) Math. Beskrifn. om Jordklotet a Cel. Dn. *Mallet*.

$\frac{CP}{CE} \sqrt{CE^2 - CQ^2} : NQ = \frac{CQ \cdot CP^2}{CE^2}$ ; unde  
 $\frac{CQ \cdot CP^2}{CE^2} \cdot \sin \lambda = \frac{\cos \lambda \cdot CP}{CE} \sqrt{CE^2 - CQ^2}$ , quæ  
 dat  $CQ^2 = \frac{CE^2 \cdot \cos \lambda^2}{CE^2 \cdot \cos \lambda^2 + CP^2 \cdot \sin \lambda^2}$ , quo valore  
 substituto in  $MQ = \frac{CP}{CE} \sqrt{CE^2 - CQ^2}$ , habetur  
 $MQ = \frac{CP^2 \cdot \sin \lambda}{\sqrt{CE^2 \cos \lambda^2 + CP^2 \sin \lambda^2}}$ . Cumque posi-  
 sito sinu toto  $\equiv 1$ ,  $\sin \lambda : 1 :: MQ : MN$ , prodibit  $MN =$   
 $\frac{CP^2}{\sqrt{CE^2 \cos \lambda^2 + CP^2 \sin \lambda^2}}$ . Pari modo obtinebi-  
 tur  $mn = \frac{CP^2}{\sqrt{CE^2 \cos l^2 + CP^2 \sin l^2}}$  posita  $l = la$   
 titudini ipsius  $m$ . Exhibeantur jam longitudines pen-  
 dulorum isochronorum in  $M$  &  $m$  per  $P$  &  $p$  respe-  
 ctive; eritque  $P : p :: \frac{I}{\sqrt{CE^2 \cdot \cos \lambda^2 + CP^2 \cdot \sin \lambda^2}}$ :  
 $\frac{I}{\sqrt{CE^2 \cdot \cos l^2 + CP^2 \cdot \sin l^2}}$  (§. VII.), unde  
 $\frac{P^2 \cos l^2 - P^2 \cos \lambda^2}{CP^2} \cdot CE^2 = \frac{P^2 \sin \lambda^2 - p^2 \sin l^2}{CP^2}$ ; adeoque  $\frac{CE^2}{CP^2} = \frac{P^2 \sin \lambda^2 - p^2 \sin l^2}{p^2 \cos l^2} = \frac{P^2 \cos \lambda^2}{P^2}$ , ad  
 quam



)

15



(



quam formulam ratio ipsius CE ad CP haberi poterit posita Tellure Ellipsoide. Si autem plures comparationes observationum optimae notæ pendulis stellarum, non conspiraverint ad exhibendam eandam rationem ipsius CE ad CP alia omnino Telluri adjudicanda erit figura. Sed de hac re plura in parte posteriori.

S. D. G.





J:S:Sc.